




# VAKATAKILAI NA QARAVI TEVORO

Vakadewataka: Sairusi Bosenaqali

Lesoni 10, June 8, 2024






"Ni sa lako sobu mai lomalagi ko koya na Turaga ena domo ni kaila, kei na domo ni agilosu turaga, kei na davui ni Kalou: ena qai tucake taumada ko ira na mate era sa tu vata kei Karisito: e muri koi keda eda sa bula tikoga, eda na kau cake vata kei ira ena o, me da veitata kei na Turaga ena macawa: ia ena vakakina, eda na qai tiko vata kaya na Turaga ka sega ni mudu"  
(1 Cesalonaika 4:16, 17)

Na imatai ni lasu ka tukuna vei keda na tevoru: “Drau na sega dina ni mate” (Vtkvu. 3:4). Eda a vakabauta!

Na kawatamata sa vakabauta vakadua – ka vakabauta tikoga – ni yalona e sega ni mate rawa,se, e dua na tiki ni noda bula e vakila ni noda bula e vorata rawa na mate.

Na I Vola Tabu, e saqata ka matata nona vakadreta vei keda: “Na yalo sai valavala ca, ena mate ga.” (Isi 18:20). Na veivaluvaluti mai lomalagi e e koto volita ga na taro: O cei ko na vakabauta, na tevoru se na Kalou?



**Qaravi tevoru kei na mate:**



**Yalo e tawamate rawa.**



**Na Mate ena Veiyalayati Makawa.**



**Na Mate ena Veiyalayalati Vou.**



**Qaravi tevoru ena gauna e muri sara:**



**Vakatakilakila kei na veivakurabuitaki.**



**Na I naki ni qaravi tevoru.**

**QARAVI  
TEVORO KEI  
NA MATE**



# BULA TIKOGA NA YALO

“Sa seavu na o ka lako tani yani; sa vakakina ko koya sa lako sobu ki nai bulubulu, ena sega ni lako cake tale mai.” (Jope 7:9)



Vakarabailevu sara, e dau nanumi tu ni wasetaki vaka rua na tamata: yago vata kei na yalo: E dau nanumi tu ni o rau na ka e rua qo e rawa ni rau veitawasei ka dui bula ga vakataki rau.

Ia na I vola tabu e vakatavuvulitaka ni noda bula e kovuti “ena tolu na ka”: “yaloda, lomada kei na yagoda.” 1Cesa 5:23). E vakatavuvulitaka tale ga ni o ratou na tolu na ka oqo eratou bula veikabiti ga Vtkvu 2:7 e vakatavuvulitaka ni Kalou e bulia e dua na yago, ceguva ena I cegu ni bula (yalo) ka yaco me yalo bula – “tamata” (“tamata,” vaka Iperiu, na *nefesh* = “soul”).

Na yalo bula (soul) e umani rau vata na yago kei na yalo. Eda sega ni taukena e dua na yalo bula, oi keda vakataki keda na tamata na yalo bula.

Ni sa takali vei keda na I cegu ni bula, sa oti talega e kea na noda bula. E sega tale ni dua na tikida e bula tiko ni da sa mate. Sa mate na yago, sa lesu nai cegu ni bula vua ka solia, ia na yalo bula (tamata), ka dagodago ni ka e rua oqo sa sega talega ni qai kunei. (Dauvunau 12:1-7; Isikeli 18:20; Jope 7:7-9).



# BULA TIKOGA NA YALO

“Sa seavu na o ka lako tani yani, sa vaka kina ko koya sa lako sobu ki nai bulubulu, ena sega ni lako cake tale mai” (Jope 7:9)



Mai na gauna e curu kina ki vuravura na I valavala ca, o Setani sa vakayagataki ira tiko na tamata era dau vinakati me veivosaki kei ira na mate me ra kila kina na veigauna sa oti se gauna se bera mai.

O ira na tamata vaka oqo, koya era dauvakacuru, cakava na ka mana, se dauvakarai mata ni lomalagi era vakatokai ena gauna oqo me ra dauqaravi tevoru (spiritualists).



Na I Vola Tabu e vakatavuvulitaka “ni ra sa tamata vakasisila vei Jiova ko ira kecega era sa kitaka na veika oqo (V/rua 18:10-12). Sa I sau ni cala oqo na mate (Vunau ni Soro 20:27).

“Ia ni ra na kaya vei kemudou, Dou la’ki tarogi ira sa curumi, kei ira na rairai era sa tagi ka kudru: me ra kakua li ni tarogi koya na nodra Kalou ko ira na tamata? me ra lako li vei ira na mate e na vukudra na bula? Qara mada e na vunau kei nai tukutuku: kevaka era sa sega ni vosa me vaka na vosa oqo, sa ka ga ni sa sega dina vei ira na rarama.” (Aisea 8:19-20).

# NA MATE ENA VEIYALAYALATI MAKAWA

**"Era sa sega ni vakavinavinaka rawa vei Jiova ko ira na mate, se ko ira sa lako sobu ki na vanua era sa galu kina" (Same 115:17)**

E dina ni sega ni dua e cavuta rawa ena gauna ni somate, "na wekai keitou sa gole vakadodonu ki eli," ia e levu na tukuni yalo era vakatavuvulitaka ni, o ira na "tamata vinaka" ni ra mate, era lako cake vakadodonu ki Lomalagi me ra tiko vata kei Jisu, ka o ira na "tamata ca" era totogitaki. Ia na cava ga na ka e vakatavuvulita -ka ki vei keda na I Vola Tabu?



**E rawa beka ni da vakavinavinakataka na Kalou ni da sa mate oti?**

**Same 115:17**

**Era kila li na mate na veika e yacovi ira nodra vuvale kei na I tokani?**

**Jope 14:21**

**E rawa li ni ra veivosaki o ira na mate kei ira na bula?**

**Dauvunau 9:6**

**Era kila rawa li e dua na ka o ira na mate?**

**Dauvunau 9:5**

**Era rawa li ni kitaka e dua na cakacaka o ira na mate?**

**Dauvunau 9:10**

Na Veiyalayalati Makawa e vakatavuvulitaka ni mate e dua ga na tadra. Eda moce ka yadra ga ni sa kacivi keda lesu na Kalou ki ne (1 Tui 2:10; 14:20; Taniela 12:13).




# NA MATE ENA VEIYALAYALATI VOU

*"Sa moce na wekada ko Lasarusa; ia kau sa lako meu vakayadrati koya" (Joni 11:11)*

Na Veiyalayalati Vou, e vakatavuvulitaka, me vakataka ga na Veiyalayalati Makawa, ni mate sai koya eda moce ga ka na vakayadrati keda mai kina o Jisu (Jn. 11:11-14; Jn. 5:28-29).

Na I vola ki Cesalonaika e vosa kina vei ira o Paula ka tukuni "Ira era moce tu," oya, o ira era sa mate oti, ka tukuna kina ni ra na tucake tale me lako vata kei Jisu ena nona Lesu Vakarua Mai. (1Cesa. 4:13-18). Kevaka me vakabauta o Paula ni ra lako vakadodonu ki vei Jisu o ira na tamata vakabauta ni ra mate, ke a tukuna beka ki vei ira me vaka ko ya.



Ni tukuni ira na mate, o Paula e kaya ni ra na qai vakabulai sara "ena nona lako mai," ka segai ni se bera ni lako mai. (1Koro. 15:22-24). E kaya talega ni "eda na sega ni moce kece." O ira na bula era na vakamataliataki vakasauri sara, o ira na mate era sa tucake ka vakamataliataki e liu (1Koronika 15:51-52).

Na tucake tale sai koya na ki kina lako vei Jisu. Ke sega na tucake tale, ke sega na vakabulai (1Koro. 15:13-18). Na tucake tale sai koya na gauna eda rawata kina na noda I votavota, ka dodonu ga me da waraka kina na gauna oya. (1P. 1:3-5).




**QARAVI**

**TEVORO ENA**

**GAUNA E**

**MURI SARA**



# VEIVAKATAKILAKILA KEI NA KA VEIVAKURABUITAKI



Ni na tubu mai na Karisito vakailasu eso kei na parofita vakailasu eso, a ra na vakatakila mai na veivakatakilakila kei na veika veivakurabuitaki, me vakacalai ira kina na digitaki kevaka e rawa.” (Marika 13:22)

Na qaravi tevoru e dua na I vakarau ka liutaki vakadodonu saraga mai vei Setani, ka kena yavu ni sega ni mate rawa na yalo. O ira ka muria era vakabauta ni rawa ni ra veitaratara vata kei ira na mate, ka tukuna tale ga ni rawaata kina na kaukauwa tani.

E dina ni se yalana na Kalou na nodra kaukauwa ena gauna oqo, ia ena yaco na gauna ni na vakatarai ira me ra vakayacora na ka veivakurabuitaki levu ka na vakurabuitaki ira era raica (Mk. 13:22; 2Cesa. 2:9; Vtkla. 7:1 ; 13:13-14 ).

Ni da sa raica rawa na nona vakabulai vakaoti e dua na tamata tauvimate; vaka tu-vakaduataki e dua na motoka me kakua ni coqai iko; se mo raici tinamu lomani, o koya ka sa mate oti ni mai vosa ki vei iko e matamu saraga... Ko na sega li ni qai vakabauti koya ka cakava na veika veivakurabuitaki oqo? Sa sega ni da na qai lewa rawa na noda vakanana -nu se nauma ni lomada.



Na veivakadeitaki ga ni noda kilaka mai na Vosa ni Kalou, kei na vakabau ti Jisu vakaoti, eda na rawata kina me vorata nai otioti ni veitemaki ni meca (Aisea 8:20; Eph. 6:13).

# NA I NAKI NI OARAVI TEVORO

“ni ratou sa yalo ni tevoro ko iratou, eratou sa kitaka na cakacaka mana, a ratou sa lako yani vei ira na tui ni veivanua kei vuravura taucoko, me vakasoqoni ira vata ki nai valu ni siga dina ko ya ni Kalou Kaukauwa” (Vakatakila 16:14)

Ai naki nei Setani me na qaga ena nona valuta na Kalou, me vakamalumalumutaka na Nona matanitu, ka dabe ena nona I dabedabe vakatui (Aisea 14:13-14). Me rawata oqo, e vakayagataka na I vadi cava ga me rawai ira kina na tamata, vakatekivu ena kaukauwa vaka politikiki ka liutaki keda (Vakatakila 16:12-14).

“Na ulunivanua cere ni I talanoa ni veivakacalai levu oqo sai koya na nona na vakacavutaki koya vakataki koya o Setani me Karisito” (EGW “The Great Controversy”, Chapter 39 p. 625.)



Ia o Jisu, ena gauna saraga oya, ena muduka kina nai talanoa qo. (Vtkila. 16:15). O Setani na meca vakadrukai. Vakadrukai vei Karisito, ka vakadrukai vei ira era kabita na nona dra (1Jn. 2:14; 4:3-4; Vtkila. 3:21; 5:5; 12:11).

Nai vakatakilakila ka kilai tani kina o ira ka saqata na veivakacalai ni tevoro oya: era vakabauta na vosa ni Kalou, ka taura tikoga na vakabauti Jisu” (Vakatakila 14:12).

**“Au raica ni o ira na yalododonu sa yaga me ra vakasinaiti ena kilaka ni dina ni gauna oqo, o koya sa nodra I colacola me ra maroroya mai na I Vola Tabu. Sa dodonu me ra kila na kedra I tuvaki na mate; ka ni na rairai ki vei ira na yalodra na tevoru ka vakacavutaki ira me wekadra se nodra I tokani, era na vakatavulici ira ena I vakavuvuli ka sega ni vaka I Vola Tabu. Era na kitaka ena nodra kaukauwa taucoko me rawata na veitokoni, era cakava na veika veivakurabuitaki e matadra me vakadeitaka kina na veika era tukuna. O ira na tamata ni Kalou sa iVola Tabu ni o ira na mate era sega ni kila e dua na ka, ka o ira na rairai tiko oqo era yalo ni tevoru.”**

**EGW (Early writings, p. 262)**